



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

**Odluka**  
**o izmjenama Odluke o stipendiranju učenika srednjih škola iz Budžeta Grada Sarajeva**  
**(Prijedlog)**

**Predlagač:** Gradonačelnik  
**Obradivač:** Gradska služba za obrazovanje,  
sport, kulturu i mlade

**Sarajevo, januar 2025. godine**

**Adresa:** Hamdije Kreševljakovića 3  
71 000 Sarajevo  
**Tel.:** +387 33 216 659  
**Fax:** +387 33 205 874  
**Email:** [gsgv@sarajevo.ba](mailto:gsgv@sarajevo.ba)  
**Web:** [gradskovijece.sarajevo.ba](http://gradskovijece.sarajevo.ba)



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) i člana 15. Odluke o stipendiranju učenika srednjih škola iz Budžeta Grada Sarajeva („Službene novine Kantona Sarajevo“, broj 7/22 i 2/23), Gradsko vijeće Grada Sarajeva, na \_\_. sjednici održanoj dana \_\_. \_\_. 2025. godine, donijelo je:

**(Prijedlog)**

**Odluku  
o izmjenama Odluke o stipendiranju učenika srednjih škola iz Budžeta Grada Sarajeva**

**Član 1.**

(1) U Odluci o stipendiranju učenika srednjih škola iz Budžeta Grada Sarajeva („Službene novine Kantona Sarajevo“, broj 7/22 i 2/23) u članu 9. stavu (1) briše se riječ „zajedničke“.

(2) U članu 9. stav (2) mijenja se i glasi: „Komisiju iz stava (1) ovog člana čine predstavnici Gradske uprave Grada Sarajeva, koju Rješenjem imenuje gradonačelnik/ca Grada Sarajeva“.

(3) Dosadašnji stav 3. i stav 4. se brišu.

**Član 2.**

U članu 10. stav (1) se briše. Dosadašnji stav (2), (3), (4), (5) i (6), postaju stav (1), (2), (3), (4), (5).

**Član 3.**

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

**PREDSJEDAVALJUĆI GRADSKOG VIJEĆA**

**Jasmin Ademović**

**Broj:**  
**Sarajevo, \_\_. \_\_. 2025. godine**

## **OBRAZLOŽENJE**

### **PRAVNI OSNOV**

Pravni osnov je sadržan u članu 31. stav (1) tačka b) Statuta Grada Sarajeva kojim je propisano da Gradsko vijeće donosi odluke, druge propise i opće akte i daje njihovo tumačenje, te članu 15. Odluke o stipendiranju učenika srednjih škola iz Budžeta Grada Sarajeva kojim je propisano da se izmjene i dopune Odluke vrše na način i po postupku za njeno donošenje.

### **RAZLOZI DONOŠENJA**

Gradsko vijeće Grada Sarajeva je, shodno važećoj Odluci o stipendiranju učenika srednjih škola iz Budžeta Grada Sarajeva, bilo u obavezi da svake godine donosi novu Odluku o izboru članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća za tekuću školsku godinu, a koji su zajedno sa predstavnicima Gradske uprave Grada Sarajeva činili zajedničku spomenutu Komisiju. Međutim, po zahtjevu iz Gradskog vijeća Grada Sarajeva, dostavljeno je mišljenje od strane Ureda za borbu protiv korupcije Kantona Sarajevo, broj: 20-04-1239-20/24 A.A. od 26.07.2024. godine, u kojem je, između ostaloga, navedeno da nosioci javnih funkcija mogu obavljati samo jednu javnu funkciju, odnosno da bi u konkretnom slučaju postojao sukob interesa zbog imenovanja gradskih vijećnika u navedenu Komisiju. Shodno iznesenom, a kako bi se dalje mogao nastaviti rad na provođenju predmetne Odluke, Gradsko vijeće Grada Sarajeva donijelo je ovu odluku.

### **OBRAZLOŽENJE PREDLOŽENIH RJEŠENJA**

Članom 1. ove odluke izvršene su izmjene u članu 9. osnovne Odluke.

Članom 2. ove odluke izvršene su izmjene u članu 10. osnovne Odluke.

Članom 3. propisuje se stupanje na snagu.

### **FINANSIJSKA SREDSTVA**

Finansijska sredstva za realizaciju ove odluke nisu potrebna.